

als oben berürt ist.

Item dise genge/ die mit einem festen gepirg velt/ schlossen vnd verfasst sind/ sonder yn sich selbs milde oder schifferige geschick führen/ dy mit glazertz od ander stahlreisch ertz vermengt sein/ die selbige genge sind gar höflich zu Bawen/ den solche geschick yn der teuff eyn mercklichen schatz bringē/ so sie mit andern geschicken vnd Bequemen streichen fallen vnd ausgehend veradelt werden/ als oben berürt ist.

Das funffte capitel oder teyl ist vō dem Goldertz



Das Goldertz nach meinung d weysen ist gewirckt aus dem aller Kleristen vnd ausgeleuterstem schwefel/ also seure gereiniget vñ geleutert yn d erdē durch dy wirckung des himels fürnemlichē der Sonnen/ dz keyne fettigkeit ym yhm ist / die durch das feuer verbrät vnd verzert kōnd werden. Auch kein vnbeständige wesserisge feuchte